

四庫全書

集部

欽定四庫全書

集部

懷麓堂集卷八至十

詳校官監察御史_臣范衷

中書_臣劉源溥覆勘

總校官編修_臣王燕緒

校對官待詔_臣胡士震

謄錄監生_臣沈元錡

欽定四庫全書

懷麓堂集卷八

明 李東陽 撰

詩稿八

七言古詩

艾光祿所藏畫龍

墨池雨漲春水渾
翻綃潑練紛吐歎
波濤瀕洞烟霧昏
中有靈氣吐復噀
化為鱗甲如山嶸
葛陂之子延平孫

焦臺雷澤皆弟昆昂頭奮角倨且蹲一嚇顛走百孟賁
怒眚倒射搏桑瞰身闖震宮排艮闔蹴踏月窟蟠天根
東游暘谷西掠崑憑丘躡閬山為髡霆車電幟喧作屯
朱芒閃地烈焰燉前驅魍魎後鯨鯢肯與鯨鮪同覓盆
頃刻變化茫無痕四海盡被沾濡恩是誰畫者稱專門
腕未操筆氣已吞登堂薦見駭欲奔以手熟試稍可捫
葉公老死空遊魂神物化去精靈存龍飛在上九五尊
公今為雲正網緼願隨沛澤彌乾坤彼丹與青安足論

題沈啟南所藏郭忠恕雪霽江行圖真蹟

洛陽老狂眼雙白
揮毫醉呼聲裂帛
手持造化奪天工
頃刻雲烟變朝夕
有時點染入毫忽
決皆未須論尺寸
平看側睨部位勻
疊見層分了無隔
更聞篆太書絕倫
二物殊科乃同格
前身合是顏平原
骨蛻空山兩無迹

世傳忠恕尸解
事與魯公正同

君看雪霽江行圖
杳若張帆向空碧
沙

明水淨天地濶遠
樹平川晴歷歷兩
舟供載百物具細
者銖藏鉅山積老
稚相看宛有情傭
工僕夫皆受職世

間畫手自有數此狂一去難再得宣和舊物出內局書
題瘦筋印方石風塵瀕洞河洛空流落江南歲三百天
球河圖廟不守微物猶關世因草富家珍襲何足論終
作貧兒一朝食姑蘇沈郎亦好奇袖裏黃金輕一擲定
知仙筆可通神恐有六丁隨霹靂桓位竊取吾所笑一
月為君頻拂拭還君頗覺未忘情摹本為予君莫惜

朱中孚秋官竹園書屋歌

桂陽縣南多竹園朱家種竹秀且蕃根如蟠龍葉翥鳳

上蔽倒景回清瞰南池水清綠於染影帶晴江春冉冉
中林斷處忽青山門外筆峰秋數點竹園老翁長愛詩
讀書教子鬢成絲臺驂郡駕日相逐澗雨巖風無改時
栢臺成臣霜雪姿南厯嶺海西豳岐十年襟袍畫圖見
萬里平安書札知秋曹郎官清比竹身著青袍佩蒼玉
竹林在園書在屋如此傳家殊不俗君家未貧貧亦足
有園可居書可讀我家湖南子鄉曲無竹無居但空谷
歸當坐子青石床淨洗胃中塵萬斛

劉尚質南樓題王舜耕山水圖

溪聲潺湲雜林壑山勢蜿蜒去還卻浮雲欲起未起時
半在溪頭與山腳入空高鳥飛欲盡背屋斜陽慘將落
更無剩地與閒人縱有紅塵何處著南畝老翁雙鬢斑
筆法頗似高房山少年豪宕老踈放往往醉墨留人間
平生畫癖兼山癖一見此圖三歎息愧我不如樓上人
日日開窓看秋碧

林侍御孟仁所藏王舜耕山水圖

青山雨過行雲濕高者在田低在隰溪風飄搖正無力
巖巒忽開中壁立翠微依稀入空杳叢林崢嶸石戢戢
山根細路無人行空庭生苔土花濕江南江北定何處
擬欲從人問州邑載酒疑逢好事來泛舟恐有漁郎入
心知圖畫本虛幻頗為塵襟豁羈縻粉墨人間孰與留
乾坤此老何嗟及烏臺鐵冠高屹屹山亦可動水可激
坐將冰雪灑炎荒六月高堂風撼撼

題沈啟南所藏林和靖真蹟追和坡韻

湖亭路繞梅花曲石硯年年洗芳淥湖光照眼花絕塵
此老當時面如玉詩應獨步難同調字豈必工終不俗
城東蒼頭持卷來一夜起看三秉燭我從書法得相法
骨秀神清臞亦足有如辛苦學神仙火冷空山斷葷肉
遺編舊事已陳迹五百年來登鬼錄水流花落兩無情
誰能更和西湖曲石田詩人亦清士居不種梅翻種竹
他時併作隱君論何似周蓮與陶菊

題畫鷹送羅緝熙南歸

大鷹猙獰爪決石側目高堂睨秋碧小鷹屈伏俯且窺
威而不揚豈其雌雌雄起伏各異態意氣相看出塵瑱
獨立羞將衆羽羣高飛怕有浮雲礙山寒木落天始風
日色慘淡川原空人間孤兔自有地慎勿反擊傷鷓鴣
畫圖彷彿是誰作宛似懸鞬臂間落高堂匹練長風生
萬里炎荒盡幽朔我生奇氣空嶙峋揮毫對此不無神
送渠羽翼朝天去亦是雲霄得意人

張侍御世周所藏山水圖歌

秋山日落川氣黃樹影下映寒潭蒼叢篁入林豁蒙翳
石角路轉山東崗茆堂對山復面水高者可履深可航
閉門卻掃動經月落葉委地苔覆牆豈無山客跨款段
亦有孺子歌滄浪吾生早覺簪組累十年丘壑成膏肓
畫圖彷彿見此景褰裳欲渡川無梁空堂五月燠如火
使吾鬱塞迴中腸安得盤蛇一片石坐醒殘醉生餘涼
君今持節行萬里要遣霜雪清炎荒請看窮谷最深處
或有隱逸藏聲光揚清激濁付公等吾欲拂衣辭太倉

墜馬後東蕭文明給事長句并呈同游諸君子
我在黃門夜燕歸徑驅健馬疾若飛馬蹄翻空身墮地
豈獨塵土沾人衣徒行卻叩黃門宅主翁醉睡驚倒屣
東軒大床許借我筋骨屈強眠不得二郎擁臂下中庭
左曳右挈蹣跚行西鄰乞藥走僮僕東家貰酒來瓶罌
大郎慰問不停口以手熨抑重複輕黃門對床臥答語
獨夜沈沈何限情黃門朝回我起坐南屏潘郎跨驢過
西臺驄馬隨東曹復有同官兩寮佐周郎哭子弟未乾

聞疾赴予如拯墮羣嗟衆言增我憂獨喜南屏向予賀
憶當墮馬城東阿前有深渠後坡陀置身隙地不盈丈
或有神鬼相撓訶茲行未必不為福對酒盡醉且復歌
詩成臂病不能寫黃門健筆如操戈庭空客散日在戶
夜踏肩輿代徐步道逢東曹送我歸舉袂卻之猶返顧
入門強作歡笑聲實恐衰顏驚老父閉門穩臥病經月
幸是閑官寡書簿高吟朗諷猶舌存欹坐看書書屢誤
故人入坐時起迎拄杖徐行轉愁仆黃門父子時過問

愛我情多豈予助平生骨肉欣戚同世上悠悠幾行路
宦途夷險似有數墮馬為君今兩度作詩病起謝黃門
各保千金向遲暮

文敬墜馬用子韻見遺再和一首

我馬西行東客歸歸心落日爭紛飛長安城中一掌地
顛倒鞭鞢隨裳衣君時別向中書宅兩日吾門斷雙屐
寧知此厄忽相遭怪事驚從武昌得東曹舊儻尚書庭
當堦跛曳止復行曲身正自憑几杖伸臂強可持杯罌

拳如崔家獨足鷺風雨不動垂絲輕誰其賞此句獨苦
吾荷武昌無限情面當軒前花下坐病足蹒跚為花過
詩才與病應力爭酒興鄉心復相佐歸來病劇吟愈工
作勢猶疑馬前墮故將奇事發高懷衆口慰君君自賀
憶當散髮林中阿掃石自坐青盤陀肩行板輿步筇竹
左塵右簞隨麾訶風牆浪擲見亦慣窘卒不廢歡與歌
誰令冠履執羈策頓覺平地生鋌戈安樂窩中長閉戶
萬事茫然人推步如何物理異人情墮甌有時猶却顧

羊家臂折登三公塞上髀傷歡老父定知時運迭乘除
或者神靈司籍簿南人漫作知章嘲北客善騎寧免誤
嗟予亦是長安人二十年來幾顛仆向來病臥苦岑寂
劇飲豪吟賴君助言酬德報理則然況是前車覆同路
世間墮者亦無數共說郎官好風度即看走馬向亨衢
莫待驅馳歲云暮

文敬攜疊韻詩見過且督再和去後急就一首
苦欲留君君又歸翻然上馬力欲飛與君未罄連夕話

復遣僮僕牽君衣問君墜臥城東宅病足幾時能著履
倉皇不肯戒前車道上泥深行豈得君時坐笑當空庭
笑予亦怯泥塗行有如醉者醉初醒戒客不遣操樽罍
當時我悔不予戒我足子肩誰重輕世間豈獨我與子
慎勿局促傷高情黃門筵中客滿座回首光陰如鳥過
宦途顛蹶亦有之不見黃門已州佐人言官重不如身
我身幸全何害墮自斷吉凶皆付天不須重問梁邱賀
聞君此語唯復阿如病得醫逢扁陀亦知身世等夢幻

實恐名教遭譏訶孫臏刖足尚酣戰幼輿折齒還高歌
何如樂正一傷足憂心抱痛如創戈君方大笑復出戶
五十漫勞唾百步試教鮑老復當場豈免狐疑更狼顧
昔聞達奚走奔馬曾說此兒還此父吾曹豈是馳驅才
自合儒官守文簿前言戲君君不知極辨為予無乃誤
今宵且作風月談莫更塵途論興仆君歸我坐時獨吟
頗覺詩成少神助知君此興正不淺却似輕車隨熟路
歌長韻險亦有數我已三賡君兩度急須走筆償我逋

莫道詩來天已暮

得文敬雙塔寺和章詔之不至四疊韻奉答

問君朝回胡不歸西馳急腳走若飛云承部檄籍戎伍
歲給纊帛頒冬衣浮圖東望瑜伽宅尺地西垣懶迴屐
祇應官事了癡兒怪底可人招不得想當岸幘坐公庭
東曹號令方風行直窮妙思入權度豈有暇日消盤壘
棲遲鞅掌自有地向來笑口未可輕閒官飽食太倉粟
使我刺促難為情埋頭日向書堆坐歲月都將病中過

久知筋力負馳驅我已愧子郎官佐今年墮馬復病目
目病雖輕不如墮并拋筆硯委塵埃且免墓諛兼履賀
兩旬面壁西簷阿禪心不動如祇陀門前索文如索債
遜謝不敢加嗔訶官稽私負兩不辦為君重和墮馬歌
興來作字大如掌眼暗僅辨點與戈塵多路長不出戶
繭足還思墮時步淖險真停足馬迎情深屢枉高軒過
臥無小吏驚報衙行愛嬌兒解隨父擬借東曹度支手
記取玉堂風月簿從知身病是閑時病裏不閒誠大誤

嗟予病起身亦健又被君詩壓將仆我兼二病君但一
寧不少留為我助知君尚有逸駕才我馬虺隤當避路
七擒八克古有數白戰共君今幾度我歌又竟君不來
欲效魯陽揮日暮

若虛詩來欲平馬訟五疊韻答若虛并柬文敬
佩之

馮郎墮馬長安歸身病在床思奮飛我時病墮忽兩月
幾度為渠驚倒衣邵郎近墮橋頭宅右足獨拳愁躡屐

三人墮馬渠最傷畢竟墮同誰失得西涯書屋東曹庭
詩筒絡繹東西行本緣詩墮不為酒玉山自倒非金罍
馮郎談虎色獨變開口不問重與輕吾宗白洲不墮馬
亦作墮語真多情喧爭浪詭兩當坐頗覺風流非罪過
向來曲直未分明旁引諸家為證佐訟當坐人不坐馬
勝負在詩寧在墮馮郎欲作旁觀人負汝何悲勝何賀
白洲老吏直不阿手持三尺無坡陀欲令虞芮成禮讓
不遣秦越相譏訶不然健訟化勑敵祇恐吳儂圍楚歌

南山一判不可改昨夜東壇聞止戈詩家紛紛各門戶
爾我不須分跬步世門夷險自有途駉駉駘駘竟誰顧
古來相馬獨孫陽有子分明不如父白洲乃欲賣我馬
卻付東隣酒家簿人雖千慮有一失我馬雖駉亦應誤
君看三馬二馬良馮馬最良先我仆白洲有馬誇健彊
縱免墮傷為盜助詩成我亦判渠歸良馬勿與駉爭路
佳辰美景亦有數莫遣閒情騶襟度急呼邵李招馮郎
下馬共醉西涯暮

體齋宅賞蓮席上得十字

池上雨過芳塵浥池上花開衆賓集回風忽覺翠旂翻
倒影真疑彩雲濕越浦新粧水底明漢臯遺佩空中拾
剪裁似欲煩并刀浣染卻愁翻墨汁根非異種難同調
身在後時終獨立已當佳麗國三千不羨艷陽春九十
桂苦蘭辛祇自憐桃紅李媚何嗟及酒如戀客傳不停
花似解詩催更急坐看烟蓋晴裊裊欲採露房秋戢戢
我狂不去當重來鯨飲碧甯三萬吸

書蒙翁老先生書畫卷後

蒙翁書法天下豪生驚風雨隨波濤有時意匠入幽眇
力與造化爭纖毫仰觀千年俯一世紛紛弄筆皆兒曹
書家論定價亦定須識我翁人品高戲將水墨灑縑素
如飫梁肉甘醯糟殘山剩水世莫覩流落數紙青蒲萄
一登翁門遂隔世齒頰未獲沾餘膏如遊神山見石髓
頃刻再往不復遭莆田鄭郎得寶藏明珠雜佩金錯刀
摩挲兩眼百過讀使我涕淚盈青袍三年留玩一朝去

久假似覺歸心勞泰山東顏日西墜欲往從之中鬱陶
詩成起立歲將暮空庭短髮風蕭騷

戲贈王古直

王郎詩窮人共知王郎書法窮於詩亦知二者關造化
學成便有窮相隨腰金拖玉自有相安用效此伎倆為
長安塵中走僕僕面皮皴皴瘦且顰出門信腳自來往
酒醒不記東君誰囊無百錢有數紙碼瑙照案堆琉璃
問渠寶此亦安用寒不可絮飢可糜渠言俗士豈解此

肥肉火酒甘如飴十年遠遊得奇貨恨不歸詫婦與兒
功名事業付杯酒尚復與子爭毫釐世間巧拙各萬狀
看渠非黠還非癡揮毫贈君莫浪喜我詩不是瓊琚辭

題衍聖公所藏范堯山水圖

高山隆隆石磊磊長流奔湍轉深匯杈柯老樹生古枝
上有懸菌贅成癭凌兢石路難容車艤舟欲渡江無涯
騎驢過岡驢腳跛行客關山應苦嗟大行峒堯劍門遠
不是天台還閬苑世間平地能幾何萬里江山隘雙眼

良工此畫誰與傳北人云是范華原風多歲久縑素裂
隱隱斷墨塵埃間尼山孫子簪纓客坐愛清風灑堂壁
平生幽賞幾人同嗟我尚抱山林癖岱嶽峯高泗水深
向來瞻望空至今登高作賦非吾事不盡乾坤仰止心

徐用和侍御所藏雲山圖歌

何人醉寫雲山圖浮雲瀕洞山模糊空明射地日漏影
稍覺林樹開扶踈平原蒼莽不知處忽有細路通榛蕪
茅堂枕山半閣水卷幔正對前峯孤幽人深居不出戶

縱有鄰舍無招呼低頭把卷苦吟諷語暗不辨楚與吳
中流棹歌似相答欲斷未斷聲嗚嗚雲多水濶望不見
知是滄洲舊釣徒長安六月晴復雨若非塵土還泥塗
城中見山如見畫剛可髣髴求形摸山猶可見水莫涉
尺潦豈足容長艫十年舊遊憶南國歲月催人非故吾
鸚鵡洲前漢陽樹此景此詩今有無因君此圖意披豁
更欲買棹游江湖

題應寧所藏馬敬瞻山水圖

空堂宿霧衣巾濕展卷看圖向庭立高峯龍從樹蒙茸
雨氣山光滿川濕中有扁舟一釣翁手把綸竿頭戴笠
欲渡真愁野水昏將歸更恐溪風急渠雖不語吾亦解
已覺良工竟先入練川老子舊名流三十年來邈誰及
今時畫工強解事枉禿霜毫翻墨汁舍人耽詩復愛畫
斷素遺縑總收拾向來卷帙堆比山後得此圖尤什襲
嗟予對此開鬱悒如熱者濯渴者汲詩成畫法兩無聊
空對西山高岌岌

觀懷素自序帖真蹟東原博太史

吾鄉上人老藏真揮毫作字精入神金書石刻世已少
况乃縑素隨風塵大江東南天萬里流落數顆驪龍珍
百尺高門若深海腰絙欲入茫無津吳公好古得奇貨
傳借數手來鄉鄰後堂開局許坐我展卷故覺情相親
嗟予生晚見亦晚三十六年空復春蘇黃二老尚莫覩
猶喜未乏前生因向來摩本已酷似昔見其影今其真
臨池對影不自陋塗抹欲效西施顰願攜紙墨就几格

亟往不避僮奴嗔餘光東壁幸不惜且復照我西家貧
請君勿返連城壁留待他時慕蘭人

賀靖逸諭德得孫

崑山良田多種玉王子纍纍歲仍熟風流雍伯已千年
年少玉郎今姓陸陸郎二十清且溫太史之子封君孫
向來娶婦復生子頭角雖殊風骨存錦綳繡被光照面
氣如長虹眼如電清向徐卿坐上看美於潘岳車中見
一齡倏忽還再齡漸教能笑復能行已從坐客識奇物

更與名家占德星登堂賦詩賀太史人生有孫勝有子
皆言有子萬事足見子作翁何不喜同年健者傳與陳
有孫不逮高堂親我親幸健子尚少四世如君今幾人
白頭封君年七十如麟振振螽蟄蟄會看太史得曾孫
重見高門車馬集

讀柳拱之員外嚴宗哲主事楊應寧舍人倡和
和長句戲次韻一首

詩壇森嚴陞復楯白戰雄心氣難忍西鄰有客興亦酣

睥睨重圍目雙眦居然地隔如秦越或者神交同白鴿
故知宮角本諧聲復恐圓方不相準向來蹇鈍費鞭策
已分駑駘謝駉牝灰餘萬念偶一生腐木經秋發孤菌
諸君才力各強健東飛俊鶻西飛隼擬隨磅礴共盤旋
弱羽真愁向空墮霜天閉門坐不出背擁寒爐曲成蚓
強呼凍墨吟小詩力困冰毫如荷盾枯腸夜渴吻亦乾
綆短餅空誰為引回首不如年少時滿堂坐客誇聰敏
韓公道德日已負后山精力空應盡逢場作戲亦偶然

不覺詩成為韻窘文章同時不易得三傑古稱吳富尹
君今並是湖南英鄉邑吾猶限封畛開官未免鉛槧累
戶外催逋時接軫長歌終曲誰使子歌罷獨吟還自哂

山水圖

驚溪練色如江色幻出山青興雲白山前雜樹豈知名
雲際高樓不論尺幽泉無聲深谷窈下作寒潭浸空碧
祇應車馬隔塵氛但有扁舟繫沙側溪頭老漁何處歸
手持輕櫓背斜暉草堂欲到恐未到日暮山雲空濕衣

西巖兩翁共巾屨應在深山更深住南溪芳草北溪花
遙指平生釣游處山林此樂予未知褰裳欲去將安之
請看坡老人中景只在王維畫裏詩

周原已母孺人壽詩分題得筭

憶年十五頭始筭二十嫁作梁鴻妻自從結髮事夫子
每以盥櫛隨鳴鷄晝行顧影夜照燭舉步不出閭與閭
多情愛筭恐筭墜舉案直與雙眉齊夫年七十頭總白
白髮尚可勝梳篦郎君宦游得歸省會以甘旨充鹽齏

鳳冠珠翟有時降筭也未可拋塵泥戲將拈取示兒道
此物見爾從孩提願翁長健姥亦健鶴形鮐背牙齒鯢
更看此物作家寶歲歲分賦長生題

送傅元秀才赴舉江西

鳳凰巢穴麒麟種奇物常為世傾竦傅生才調出名家
一不為希百非冗亦知性質有天解曾憶當年角初總
早從書派得源流復向詞宗繼支統後來英俊豈易得
我已為子神飛動十年遠作東南游腹有江山浩奔洶

試凌逸氣脫塵凡立見孤標謝荒茸翻然赴敵翰墨場
百萬人中看賈勇會將長策獻明庭誰謂一時非賈董
未論秋薦與春闈金馬玉堂堪接踵晉陽授簡辭當習
毛義登堂檄須奉有才未免為世用藥裏參苓方在籠
厭隨時輩學奔趨肯向鄉邦銜華寵古道終教德器成
今人祇解功名重臨岐欲別無所贈頗覺塵襟劇煩壅
情深義重極憐渠我語雖多未為忤

送文宗儒太僕還南寺

豐山東面瑯琊北官寺臨山枕溪側泉甘石冷花柳香
幼出春華與秋色東吳才子洋州裔清比琅玕長數尺
錦囊秀句壓騷人玉麈雄談驚坐客誰令散地容渠懶
儘有餘才供世劇十年溷跡老風塵三載高飛未云極
問君何曹似是馬丞不負君人自惜知君自抱憂國心
豈為承平倦弱樞南方一匹累數金方且按圖為驥索
州官縣吏盡日輸營下老兵曾未識書生經濟須實用
誰為吾民苦區畫聞君獻納有嘉言肯避傍人嗔越職

朝聞吏部書上考恥以徵催買資格嗟予竊祿本無能
誤向雲霄問泉石

徐春官暮山雜詠分題得蛟溪夜月

蛟溪昨夜風雨惡月光下照溪水濁老蛟照月如照鏡
卻卷蜿蜒露頭角平沙星星石鑿鑿璇宇沈沈淨如濯
雲烟變滅氛祲消祇有空明映寥廓廣寒宮殿水中開
碧海魚龍天上躍團團桂影落虛圓縱使吳剛無斧斫
鱗甲空驚漢水鯨羽毛不渡銀橋鵲已看毛骨生森爽

頓覺心神向開廓山中杖履不成眠坐待空林纖月落
題陸寬瘦竹卷

江南陸郎瘦於竹種竹城東玉河曲未論千尺勢能長
剛道兩竿軒也足耻隨桃李鬪芳腴祇共松杉伴幽獨
茅茨可柰霜雪冷韋布不受風塵辱平生幽賞底須憂
愛此清風不盈掬絕勝長安酒肉徒醺花殢月空迷復
近從畫竹得篆法坐對涼陰刻寒玉終教筆硬可通神
且賞骨多能勝肉江左詩翁太瘦生

金本清太僕
號太瘦生

墨竹

篆書皆絕俗莫言汝瘦不如渠好為名家繼清濁

題畫二首

霜枯古樹秋颼颼枝間老猿罷騰踏戲將長臂撲游蜂
半似相欺半相狎岡巒高下路東西由來異類不同棲
應憐野徑穿花去不作空山抱樹啼君不見場中有菓
房有蜜共趣園林好風日丁寧慎勿采桃花留結山中
千歲實

元猿倦向青林坐聲斷長空碧雲破林間踈網落蜘蛛

正向連蜷掌中墮絲輕臂軟如不勝欲掣未掣還騰騰
極知物性解人意應向畫圖觀世情由來異類有強弱
幸是相逢不相虐猶勝虛堂萬縷絲無數飛蟲掛牆角

畫山水

山家住雲深處眼見雲來復雲去朝隨爽氣入空山
夕變浮嵐掛高樹蒙茸草色迷東西石路崎嶇高復低
槿花成籬竹為障中兩幽人屹相向芒鞋鐵杖烏角巾
白頭雙鬢何續紛來時似帶林霏濕坐久不知山日曛

門前落葉仍多掃故人相期苦不早杳靄疑無遠寺鐘
喔啞忽有中流擢危橋雨過苔應滑後圃花殘人未老
若耶雲門未可登天姥匡廬夢空到乾坤浩蕩真無極
詩話一燈青未了絕勝王郎興盡時扁舟載雪山陰道

畫禽

高樓野雀低飛燕長在峯頭與溪面竹雞啼徹雨初晴
山脚泥深路如綫崖根老樹回餘青樹間雙鵲閒無聲
祇應識得山中樂無復人間送喜情

又

天風夜號山木折石上飢禽啄乾雪忍凍寒鴉得並棲
數聲啼落前溪月銀塘波冷雙鴛鴦忽憶春風蘋藻香
鵲鵲似解游人意碧水清霄路共長

懷麓堂集卷八

欽定四庫全書

懷麓堂集卷九

明 李東陽 撰

詩稿九

七言古詩

馬博士所贈王少參劍閣圖為少參子公濟進
士題

岷岷山高連劍閣峽門中開如鬼鑿盤渦濺沫紛欲躍

石勢迎流鬪還卻驅車入山山路惡水行孤舟陸雙屨
古來蜀道難於天信美不及還家樂揮毫作圖圖者誰
東吳老翁生好奇胸蟠萬壑筆三峽或有神助非人為
昔從此地值奇客直以賞識酬心期江山無情歲月改
頭白再往失路岐王郎年少今已壯仰睇丹梯隔青嶂
遺縑斷墨空塵埃我已為子神悲愴酒酣作歌歌始放
我懷峻嶒聲跌宕君不見江風捲地山蹴空誰復壯游
如兩翁

送周原已院判之南京席上得別字

金陵山水真奇絕我昔南游遍車轍歸來夢想隔塵埃
翼未高飛肘先掣與君有約各分署三歲兩曹惟一缺
羨君此去若登仙欲往不得心內熱如遭炎蒸坐深甑
擬踏陰厓齧寒雪君今況得故鄉歸我是北人猶愛說
停君酒杯聽我歌我歌未終君暫輟折桂橋邊衣錦行
雨花臺上登高節古聞騎鶴上揚州得未為艱失為缺
太常陳卿我同志官府神仙非濫設因君寄語須自珍

莫道玉堂天上別

題畫送武陵楊處士

洞庭湖西芳草新
武陵溪南花滿津
山深水曲不知處
燕語鶯啼春復春
紅塵晝斷車馬跡
時有松風掃白石
三尺孤琴一老翁
布衣芒屨無人識
君來遠作長安游
君去還歸溪水頭
山林鍾鼎各有分
俯仰乾坤安所求

賞花夜歸圖

江南三月花滿城
城南城北堪游行
馬啼衝曉踏春去

日暮歸來空復情
溪橋繫馬紆春步
綠遍蒼苔舊時路
醉眼低迷楊柳烟
春衣坐濕薔薇露
重門曲檻花陰陰
李徑桃蹊深復深
手持紅燭候歸路
應見兒童知賞心
賞心自少今已老
每憶花枝被花惱
寄語高林宿鳥知
明朝莫更催歸早

鄧程番遺愛圖

貴州有府名程番
天子命置新流官
鄧侯佩印出九寺
五馬遍歷千巔岼
諸夷異姓十七種
始識漢節瞻衣冠

喜有錫賚怒有罰項刻號令隨毫端坐令府藏足貢賦
野少刼掠無飢寒鄧侯去郡民擁道力挽飛擢迴奔瀾
舟行欲動掣不動咫尺如度百丈灘攀轅臥轍古亦有
夷夏之治孰易難誰圖綵筆遺冰紈彼夷之首宋與安
侯名去比雪山重遠道未覺行囊單侯今出佐六州伯
舍舟躍馬復據鞍明年持此向齊魯應有東人為聚看

麥舟圖

江東故人半零落江頭石郎淚雙閣三喪未葬家苦貧

舉世今無魏州郭睢陽范郎方少年相看不語意茫然
江舟載麥五百斛揮手付之如一錢歸來侍立庭闈畔
白髮聞之為一莞亦知父子本同心若待庭趨嗟已晚
君不見慶州飢民曾告荒使君自發常平倉

四禽圖

樛枝老樹幽巖裏山鷓雙棲掉長尾高鳴俯搦勢不停
似向春風矜爪觜山頭錦鷄金作冠身被五采成斑斕
遠從紅日霽時見更向碧山深處看人言此物真絕特

同是山禽不同格休將綠水照毛衣祇恐桃花妬顏色

又

空山雨過枇杷樹黃顙纍纍不知數金衣公子正多情
驚墮金丸欲飛去海榴花殘紅子新沙上鳬鷺來往頻
每從水淺花深處遙見隔花臨水人山禽關關水禽語
脈脈幽期似相許莫負天晴日暖時一春江上多風雨

又

碧林紅葉驚飛鳥江上秋風下來早雁去鴻辭烟水空

蒹葭落盡芙蓉老
原頭鵲鴝如有知
應憐歲暮得同棲
枝間戴勝聲不住
應憶春園初降時
山林動物各有託
野雉分明出叢薄
見說豐年少網羅
低飛不及高飛樂

又

江南山深冬日暖
湖水無漸湖水滿
幽林晚徑斷人行
落盡梅花春不管
山茶花發爭芳菲
翠翎蠟背相光輝
烟生錦嶼寒猶戀
雪滿銀塘夜未歸
疎林落羽紛零亂
回首青霄各分散
溪上鴛鴦獨有情
春來冬去長為伴

狻猊圖

狻猊何來自西域黃金為睛鐵為額回頭一嘯長風生
萬騎千人杳無跡雲巖雪竇深如許冒險窮幽始能得
胡兒養得性氣馴遠向中原貢王國縣官給驛天使迎
聖主親臨賜顏色朱籠鐵鎖紅氍毹詔許深居苑城北
苑中百獸安足論虎豹聞之皆屏息先朝舊物嘗有此
白首中官說宣德祇向人間看畫圖嘉名剩有兒童識
周王有道百度正虞帝無心七旬格自古昇平樂事多

謳歌亦是詞臣職

東陳玉汝

吳杉製器五尺強捲如胡椅長如床方藤細簟曲木枕
意匠頗覺吳工良高眠穩坐兩不妨坐非箕踞眠非僵
由來萬物各有用一物兩用無遺長夜來我在元龍宅
醉臥此牀呼不得歸來展轉不成眠夢想猶疑在床側
吾家老父年七十此物何由置堂室祇因為樂勝潘輿
恨不可懷如陸橘平生有口不慣乞與子在情寧在物

正是黃香扇枕時高堂待此無蒸鬱

觀畫蘭有感作

時林主事俊張經
歷散相繼謫官

春風吹香出芳林叢蘭開傍西巖陰幾回欲采意不適
路轉溪迴山更深虛堂披圖對幽襟忽如攬衣度崎嶇
杏壇尼父去已遠湘江屈原空獨沈我方揮絃坐微吟
微吟未成日將晚冰霜欲來侵九畹蘭兮蘭兮竟誰管

劉道亨編修雙鷹圖

大鷹昂頭小鷹俯殺氣森森動林莽朔雲捲地塵不飛

萬里乾坤同一睹野風蕭蕭日將暮罷獵歸來勢猶怒
獨向林間振羽毛空山落葉誰能數平原紛紛走狐兔
燕雀之輩安敢侮縱使長飢不附人須知特立難為伍
海東青去已多時塞北赤毛生更稀邳都城在餘荒草
劉表臺高空落暉畫師好手亦無敵酒酣健筆疾若飛
霜毫素練出髣髴金眸玉爪生光輝翰林主人負奇骨
雖有搏擊無由施會看竦翮入霄漢不與凡鳥爭雄雌

外舅成國朱公壽六十

金陵城闕蟠龍虎老將提兵舊開府由來家世本公卿
親得君王賜圭組錦袍玉帶明琱戈坐鎮四野無嗔訶
已看鍾阜山增重復遣長江水不波清油幕擁旌旗盛
細柳營聞笳鼓靜民歌清淨曹平陽身繫安危郭中令
江草江花春復春華堂麗景逐時新端陽節後凡幾日
壽俊圖中第一人

時南都諸公卿
有壽俊會圖詩

玉壺貯酒玻璃色紅

裊簇地麒麟織于氏門閭有子孫平原庭館多賓客緇
衣武公元好賢鄂國將軍不愛錢聊將書卷度長日肯

買歌兒供暮年嗟予舊是通家子塞雁江雲意千里願
公眉壽比岡陵永作干城鎮南紀

題畫

平川雨溢波不流兩車渡水軒若浮車輪載重軋巨牛
牛力尚可行人愁後車在水前在丘欲進卻顧且復休
山途野店阻且修日云暮矣不得留胡兒健馬雙絡頭
肩載糗橐無戈矛得非遺寇居邊州或者俘獲隨官郵
窮廬不作風雪囚道路雖險無離憂聖朝有道鋒鏑收

胡我赤子非仇讐誰哉更起籌邊樓

又

風林不定驚枝裊上有修翎兩山鳥溪邊獨鷺短絲垂
影落晴波秋淼淼鴛鴦鸕鶿似爭春錦毛繡翼相鮮新
寒鳥數點寂相背頗學山翁避貴人山鷄兩翼花如剪
未勝鶯羣嬌宛轉曲水亭前路有無黃陵廟下湖深淺
窮崖老樹猿倒懸彼何色者白與元山中麝子未生角
錯立不知誰後前世間飛走各有性詩人自古歌魚鳶

莫將藻繪作物假此物自是無聲篇

觀泉圖

空山落葉無人管長林蒼蒼秋日短飛泉百尺墮空濛
下注寒潭作清淺淅瀝如聞帶雨來飄搖忽被風吹斷
憶向山中初聽時乍近卻疑身在遠幽尋僻探始得之
毛髮蕭騷不容縮鸚鵡江洲竟趯翻匡廬瀑布誰分剪
世間奇勝自有地應恨入山來已晚十年雙袂京塵滿
亦欲相從為一浣安得圖中二老翁芒屨竹杖長為伴

東山圖

謝公昔臥東山麓山中無日無絲竹美人笑捧如花顏
飲酒賦詩歡不足古來同樂必同憂公能不為蒼生謀
征西司馬亦何事猶使桓桓兵窺上流賊兵在郊公在野
天下江山個中睹老溫病死強秦奔一代功名荷天與
太平宰相固云云清言非罪還非勲四郊多壘一身樂
吾憶治城王右軍

米元章拜石圖

南州怪石如竒士士有好奇心欲醉平生兩膝不識地
石也受之無愧色著袍擁笏當石前禮而不荅貌益虔
呼為石丈丈不語回視諸峯盡兒女當時觀者笑且嗔
眼中見石不見人嗟君好潔已成癖無乃冠屨沾泥塵
古來玩物必喪志况爾物役忘其身惟石巖巖瞻赫赫
一州雖小寧無民宋家只合米博士誰遣出刺無為軍
君不見漢家留侯拜黃石石亦可拜不可昵千載英風
石並高猶憐誤落神仙迹

謝謝方石石鎮紙

風簷細楮飄如葉
惱亂閒愁千萬疊
試將觚石置我前
坐鎮浮浮成妥帖
誰其贈者方石翁
瘦骨與石將無同
石形可碎理不曲
此語吾傳東海東
向來遺我枰棋製
規石為圓豈翁意
亦知此石如此心
不謂心同肯予致
我家嬌兒不解事
徑往取之如劇戲
僅辭塗抹向詩書
豈有規模守文字
古來問學須磋磨
要令平直無偏頗
觚哉觚哉久不見
摸稜之輩何其多
願兒寶石終比德

慎勿委棄牆東阿還持此石問汝伯別有矩矱當如何

張東白惠椰壺走筆代簡

嶺南椰實高千樹大者如瓢小如注良工斲剔成形模
外實中空寡疵竅青金為飾堅且良磨礪圭角藏精光
誰言曲直異從草二物相成豈相克青黃竟作犧尊災
汙杯古矣非時哉有容耻與升合校無垢頻經洗滌來
翰林人物西江老退食開壺日傾倒攜之贈我不自惜
人好更看壺亦好我雖強飲不滿鍾愁城百尺難為攻

先隨俎簋作時薦後許盤筵為客供覆杯斷飲亦未易
獨有夜戒無終窮

悼鸚鵡一首東閣允德吉士

翠籠高絰層軒舉中有珍禽解人語顧影頻迴席上燈
梳翎卻避簷前雨左旋右轉百態足忽見昂藏為偃僂
聲名價重出比鄰婉孌情多向兒女耳娛目翫能幾時
珠沈綵碎隨塵泥玉環不繫芳魂住繡闥猶疑曉夢遲
應憐握粟不自飽叨渴腸空誰得知虛令賓客生顧盼

頓覺楹障無光輝憶昔攜來隴山客萬壑千巖幾朝夕
都將嫵色慰多愁轉使歡聲成太息因思異物難豢養
頗似竒才遭挫抑君不見鹽車千里駒長飢至死無人
惜

悼竹

園南舊植千竿綠高者如牆大如屋風狂雨急牆屋翻
幹折叢低共傾覆忽驚舞罷鴻門會怒斗紛紛碎蒼玉
復似驪山墜石餘數百書生葬阮谷初疑鳳羽墮當空

更訝韓龍身在陸翠落瓊飛不復完頓使泥沙汙人目
憶昔新移近水隈瘦骨稜層不盈束晨澆恐被風日燥
晚護幸免霜雪酷十年長養成亦艱一旦摧頽勢何速
我時夜半驚水至崛起倉皇問僮僕彼駭不識人意勞
祇顧囊衣與甌粟觀裏桃花何足論堂前枿樹猶堪錄
無家更欲買山林有徑誰當伴松菊前軒好竹只數個
頗覺幽懷看未足春來擬欲探萌芽蒼苔慎勿迷芳躅

重修黃鶴樓

黃河水落黃樓起彭城城東土勝水彭城郡守告成功
蛟龍失勢蒼生喜朝來暮去亦偶然不似元光歌瓢子
酒酣樂作賦者誰共說彭城好兄弟卻從憂患著聲績
千載信之為賦史近聞河伯漸失職直下彭城更東指
縣官水卒徒自勞宵衣南顧星軺駛是時劉守當郡寄
仰視茲樓半傾圯當庭一叱百吏隨木石排空屹山峙
東垣土色象中央克制生成或其理軒窓開敞天日霽
百里江山皆席几清朝燕賀多詞客誰復賦之如轍比

徐山高高徐水下萬古乾坤莫周砥何年駐節許重游
還為山靈豁雙眸

借榴一首贈方石

桃溪老人愛花樹家在萬花溪上住白頭重入紫薇垣
官舍今無種花處買花不識城市途園中看花非我徒
畫圖剪綵盡成幻空有愛花猶故吾吾家海榴四五株
意欲借之如借書自言花借不在好僅取數尺青扶疎
牆根老枝不盈掬欲借真慙少粧束風披雨浥漸成陰

縱遣無花看亦足城西官陌無塵埃呼童把送休遲徊
花根歲暮幸勿返還我詩逋十韻來

題黃子敬編修所藏登瀛圖

編修黃子敬家藏瀛洲圖吾外舅蒙翁三跋在
焉蓋子敬之先公為翁同年進士而翁又其郡
大夫也予刻類博稿舊草中得二跋歎遺文不
可盡見悲歌當哭於此有不得已云

晉陽城上龍乘雲日角照地成龍文大開文館集賢俊

幕府諸僚才出羣層樓傑閣麗霄漢左圖右史窮朝暉
瀛洲萬里入平步俯視人世皆塵氛龍飛上天御八極
十有八人為羽翼廟堂台鼎何足論半是凌烟畫中客
晉陽一家家化國回視門庭為國敵盡將文學變戎功
誰辦河汾太平策紛紛世上功名徒至今摩畫瀛洲圖
衣冠猶存歲月改粉墨散落隨江湖翰林黃郎家在莆
莆翁史筆令董狐由來詞翰類博奕人道我翁多相謨
願君寶此為故事黃閣清風無世無

劉戶部所藏張汝弼草書

南安太守東海翁歸來兩袖乘天風眼前萬事不挂齒
睥睨六合稱書雄橫揮直掃百態出或舞鸞鳳騰蛟龍
一從篆隸變行草世間此藝難為工自言早學宋昌裔
晚向懷素逃形蹤公孫大娘不識字物藝乃與書法通
顏家屋漏古釵腳縱使異法將母同古人逝矣不復見
此翁豈在今人中江南紙價幾翔踊白金綵幣隨青銅
家藏萬紙付兒輩誰謂此翁歸橐空何人愛者司徒公

舊得此卷來吳淞願公寶此勿輕棄留看書舡夜半虹
送李惟正主事使淮

淮山蒼蒼入烟樹中有東曹舊分署郎官捧檄下層霄
足馬暫從沙上駐漕舟百萬如屯雲材官武士紛成羣
榜歌調苦隔溪聽籌唱聲高半夜聞向來書簿何膠擾
卻道郎官愛文藻燭底寒更夢短長筆端餘興詩多少
古來王事貴馳馳壯夫豈必雕蟲為休言玉郎衝星夜
不及瓊林宴月時

左闕雪後古栢下有作

長安城中雨成雪退食衝寒過東闕蒼然古栢勢橫空
數尺盤拏成百折玉龍戰罷纏碧綃流涎噴沫疑不飄
仙人掌上露初凍五老峯頭冰未消飛花拂面吹還轉
步屨穿林印猶淺鶴氅衣輕動欲翻水精簾重寒初捲
風骨昂藏曼出塵儼如佩玉抱長紳須知世有後凋質
元是仙家不老身

畫馬歌

唐家內廡多飛龍五花隊簇金芙蓉奚官引鞚供飼秣
退朝牽過明光宮絲繩百丈鎖長柱宛轉霧鬣隨風塵
銀牀玉餅汲宮井俯首下飲如渴虹氣噴為雲血成汗
意象矯矯騰高空當時監牧最得寵襁褓小兒皆錄功
丹青畫史極摹狀尚以骨肉分雌雄空將盛事作粉飾
萬騎不到三川東千年粉墨出舊譜乍可髣髴開元中
今皇有道華夷通斂武不耀兵戈鋒祇應神駿飽芻菽
長在天閑十二重

送仲維馨院使還淮南

雙環雜佩搖丁東少年通籍明光宮每逢天子賜顏色
長與大夫歌退公舊懸腰帶黃金重新送宮壺白露濃
人道相如歸畫錦誰言張翰憶秋風秋風未動江花老
思向東原賦春草千金寧為買書貧萬事不及還家早
巢中健翮長雙成鏡裏慈顏看轉好况當朝省盛才賢
且向山林樂熙皞淮南江北湖水傍門前綽楔高如堂
舊書舊隱故無恙某水某丘安可忘采將芹葉思君獻

所得江魚念母嘗我亦臨風惜分手碧雲高處望回翔

苦熱行

辛亥六月
十七日

炎天火熾金初伏赤日南行到南陸誰將橐籥鼓洪爐
煬氣長噓滿川谷高雲當空屹不動大者如山小如屋
渴虹下飲溪無言野雉成蛟入藏麓重波煮海石欲爛
鬼斧赭樹山應禿玉堂去天纔一蹴不見剛風起鴻鵠
人間路跼騏驎愁萬蚋千虫競喧逐極知寥廓是仙遊
始信祝融真吏酷我時擲筆出史局十步天墀九回躅

暫辭書簿日紛紜
豈免冠屨相縛束
騎行扇擁且莫當
道有頽肩隨赤足
歸來岸幘高林下
旋汲清泉漱寒玉
煩心展轉不得眠
中夜起坐呼僮僕
安得大瓢水一掬
頓洗歌塵三萬斛

題清明上河圖

上有先
提舉跋

宋家汴都全盛時
四方玉帛梯航隨
清明上河俗所尚
傾城士女揭童兒
城中萬屋翬薺起
百貨千商集成蟻
花棚柳市圍春風
霧閣雲窓粲朝綺
芳原細草飛輕塵

馳者若飈行若雲虹橋影落浪花裏捩舵撇蓬俱有神
笙歌在樓遊在野亦有驅牛種田者眼中苦樂各有情
縱使丹青未堪寫翰林畫史張擇端研硃吮墨鏤心肝
細窮毫髮夥千萬直與造化爭雕鐫圖成進入緝熙殿
御筆題籤標卷面天津一夜杜鵑啼倏忽春光幾回變
朔風捲地天雨沙此圖此景復誰家家藏私印屢易主
贏得風流後代誇姓名不入宣和譜翰墨流傳藉吾祖
獨從憂樂感興衰空弔環州一抔土豐亨豫大紛彼徒

當時誰進流民圖
乾坤頻仰意不極
世事榮枯無代無
漕運叅將郭彥和
鎮蘇松時有巨舟
張東海名曰海天
一碧為賦長句

將軍昔鎮東南紀
獨駕樓船向江水
天光蕩漾海微茫
一碧乾坤秋萬里
畫椽繡閣高如堂
朱簾綠浪相悠揚
魚蝦不動蛟龍喜
笳鼓無聲歌吹長
杜甫恍如天上坐
坡老休夸海中過
雲影真疑錦繡開
汰痕莫擊琉璃破
巨鼇戴山空崔嵬
陽侯撼地無喧喧
颶凌風不作蘇門
嘯

泛斗還從漢使回君不見清淮上與黃河接中有漕舟
千萬葉將軍並去來勿遲聖朝正值河清時

三壽圖歌

監察御史祁門謝廷獻得南極圖寓歸為父封
君壽請為長句時其伯叔父皆在焉

何人妙作南極圖極星晃耀當南孤化為老人長骨顱
翩然凌空一鶴孤剛風為舉雲為扶俯視六合皆泥塗
下有二翁儀貌都仰天翹首若有呼仙凡異路心則孚

頗覺殊相非庸夫茫茫塵海難乘桴誰更有人如此夫
新安謝氏黃綺徒伯年七十顏不枯繡袍白簡高帽烏
如星有芒鶴有雛封章帝降來江湖李也與翁同範模
布衣韋帶相蕭疎稟形鍾氣非二初情深不間爾與吾
此圖此景世豈無持以髣髴猶其粗郎君得此踰瑤珞身
立玉堦入金鋪南飛一曲酒滿酤恨不舉翼如輕鳬當
筵索筆徵詩逋魯歌三壽理不誣五星作贊後有蘇吾
才不能奈此乎

題夏仲照墨竹橫卷蓋陳緝熙先生故物也

崑山夏老能筆耕開雲種玉看峭嶸千條萬葉入霄漢
世間艸木空有名來持琅玕叫閭闔坐使燕石無光晶
北人貴竹如貴玉直以高價酬丹青衡開丈幅直踰咫
不見枝梢見根抵恍疑湘浦推蓬行颭雨驚飈過雙耳
九疑山高望不極影落洞庭清徹底靈籟時來天樂風
釣竿不動珊瑚水珊瑚水冷魚龍藏此翁一去魂茫茫
江山有神故物在環珮無聲涼夜長東吳老子圖書散

南國諸生思未忘
重向玉堂修竹譜
須將僵竹記箕箒

送張侍郎文淵區處哈密

文皇御極開西裔
坐使諸胡作藩蔽
哈密王封最長雄
錦袍金印華文字
百年職貢輸玉馬
所貴在誠非物貴
有番土魯誇狡強
讐深怨結鑄肝腸
攻城奪印擄王母
憤叱敵兵如驅羊
叩關訴吏急水火
羽書夜報驚朝堂
先皇赫怒將効力
降勅切責昭刑章
漸收殘兵住甘肅
官為造屋頒衣糧
部長哈尚秩分閭
薪亦可卧膽可嘗

旁邀八衛合萬騎復仇雪耻還封疆孤居城角自偵邏
兵力雖弱志足傷番來結盟駐城下哈尚下城如下馬
當時料敵無柳渾又見孤身橫艸野十年辛苦一朝失
頓覺雄豪氣喑啞諸人瑣瑣安足論身是中朝拜官者
令皇馭世九宇清彼番悔禍來輸誠歸城納印貢異物
氛翳斂退回光晶聖朝有道繼絕世復以故爵稱嘉名
番兵習貪再挑釁掠取萬馬歸空城城危兵刃衛不守
逆順翻覆相虧盈皇威載奮若雷電勅遣兵卿下前殿

輕裘緩帶隨肩輿不用金鑿擁銅面籌策胸中兵甲生
指麾坐上風雲變不愁跋涉經秦隴幾慣馳驅歷周甸
直省辭家世所難臨歧解鰲人皆羨甘州城外河周遭
玉門關上冰山高營平圖略本常事定遠功名非彼曹
空庭搗穴豈不易可忍赤子塗脂膏閉關卻使法亦有
重念王業經營勞根盤節錯器亦利古來經濟須人豪
君行萬里慎自愛莫待春風吹戰袍

題畫

誰家結屋臨山水水閣山亭兩相峙卷簾嵐氣撲衣來
側耳松聲半空起迴巖掩樹無東西墮溜平田高復低
溪魚直下不受餌林鳥驚飛還暫棲幽人只愛山中好
有腳不踏長安道懶為花開數出遊猶嫌葉落頻教掃
城中赤日飛黃塵此景此圖空可人朝來一雨差快意
欲駕扁舟江上津

學士栢

翰林後堂有二栢竹巖柯先生所種也東陽承

詔受業今三十年栢已鬱然而先生棄諸生久
矣間出題課諸吉士戈陽汪俊抑之有一日百
匝行樹底之句悵然感之因衍為一篇以識不
忘

我行樹陰日千匝雨葉風枝自蕭颼惟有諸生識我情
傍人不解空嘲狎我見先生種樹年我身尚短樹及肩
枝蟠江山地可縮手幹造化天無權瓊臺翠閣何森爽
院柳庭花敢爭長芑蔭長留六月陰盤迴直與孤雲上

材堪五鳳難為用，根到九泉終不枉。
零落青袍幾故人，琮琤玉佩空遺響。
當時院長文安公，柯亭劉井相西東。
百年遺愛豈獨此，此樹欲比人中龍。
樹猶如此我何似，已愧斑白非兒童。
名收棗桶有先後，壽比金石無終窮。
下堂再拜想顏色，仰面正拂長髯風。

竹林七賢圖

中原勝地衣冠藪，魏晉風流動人口。
竹林有客稱七賢，千古閒情一杯酒。
應從晚歲看冰雪，不向京塵醉花柳。

霜枝入鬢助蕭騷風籟鳴絃和清瀏官曹懶入步兵厨
琴調誰傳廣陵手隄防不為此曹設極目頽波正東走
魏國江山晉版圖林泉舊迹空回首山公雅論終無用
餘子紛紛竟安咎新亭灑淚復何人將相徒懸印如斗
丹青點染半形似遺像猶煩辨誰某長歌弔古意茫然
九原有作君知否

雪用坡翁聚星堂禁體韻

塵沙壓盡園無葉一月長安三見雪登高望遠極空明

天上人間兩奇絕吟髭欲撚冰先斷凍指未動絃應折
輕憐衣袂逐風揚淺訝屐痕隨步滅西岡徑滑孫難度
北海波寒鰲未掣真疑地骨高比山始信天機織成纈
寧將巧技爭圖畫且勝高談霏鋸屑倏前忽後同積薪
乍有還無不盈瞥神遊隔世虛勞想妙入忘言誰解說
歲寒交誼轉寥寥獨有庭松如屈鐵

釣魚圖為葉司徒公題

兩舟同行如結鄰兩翁相對各垂綸絲長水遠意不極

俱是江湖閒散身，倏無忽有時交託。
咫尺烟波不相借，稚子牽絲似有情。
前村問酒先論價，江淮以南冒暑多。
瀟湘向上皆風波，公家正住魚龍窟。
我興卻在滄浪歌，滄浪歌長秋日短。
野水寒天迷近遠，酒醒高堂看畫圖。
黃蘆瑟瑟江風滿。

牡丹孔雀圖為瓊山岑生作

海南風日暄，且妍牡丹花。開如火，然花間孔雀雙旖旎。
似與植物相矜憐，奇毛畫炫日五色。下照清潭影，千尺

棲息應勞擇地心盤旋似惜冲霄力江花澗州秋復春
風翎露翼空繽紛已看翡翠讓光彩復道鷄居非我羣
眼中世態爭好醜此物於人故非偶衣錦先憑戲綵身
射屏正得穿雲手北人見畫復憐才此花此鳥何奇哉
上林剩有梧桐樹拭目看隨紫鳳來

送平江伯陳公總督修河兼東劉都憲時雍

黃河西來忽東決張秋舊堤先受齧奔波赴海勢不停
百里漕渠一時泄官舡賈舶如山壅河底沙乾日欲裂

九重南顧回舜瞳三命中朝持漢節陳公舊是恭襄孫
奕代簪纓萬人際爭誇將種非凡材復道家傳有真訣
兵符夜檄鯨鯢走將令晝驅雷電掣指揮能事天地回
坐計功成同解結時方六月霖雨多地苦沮洳况炎熱
民窮到骨聲徹空忍使鞭笞汗成血極知國計須元氣
乍可因時治癥瘕比聞水發舟已通暫遣丁歸待農輟
三屏永作洪濤鎮一蟻不潰金隄穴古來大事當遠圖
豈論竹頭兼木屑慣從前史鑑興衰已聽高談能激切

湖南中丞久奉使頗覺憂勞成耄耋因公寄謝平生交
自愧官曹容逸拙

四禽圖

鸛鵒色不如鸚鵡強向筵前學人語網羅西下隴山空
毛羽雖佳不如汝鐵衣金背雙雕楹世間無處無弓繒
試聽內苑籠中語空誦彌陀六字名

又

珊瑚出海海見底誰掣長竿臨海水黑風驅霧卷冥濛

化作禽飛向空起北人未熟南禽名嶺外方言如鳥聲
由來珍異非國寶須識君王卻貢情

又

金堤柳色黃於酒枝上黃鸝嬌勝柳歌聲宛轉色娉婷
種種春光無不有春來何遲去何速回首紅顏憶騎竹
急須攜酒聽黃鸝莫待揚花眯人目

又

春山潑黛青淋漓山際春禽雙畫眉山光物色兩濃淡

苦欲問春春不知古來尤物皆成怪誰遣山禽入圖畫
西京京兆今不歸林郎為了風流債

題魚

安成劉郎家畫魚意遣素練澄江如長安屏障半不虛
誰其好者彭中書手提鉅軸尋大踰低撐側挂妨我廬
風軒露坐方卷舒赤鯉忽躍來庭隅揚鬐奮鬣當天衢
波濤脫盡勢欲孤獨立似有神明扶桃花浪暖三月餘
咫尺變化還須臾雷車晝擊電夜驅前騶後從何紛拏

魴鯢擁衛鱣鮪趨左引鯊鯨右鰕鱸回頭下顧若有呼
瑣瑣之輩真臺奴水有菱荇岸有蒲條忽隱見如有無
馮夷海若空睢盱翻若糞瓠遭泥塗昔當洪流在唐虞
微禹赤子其魚乎達人大觀無古初清濁真位分堪輿
天飛淵躍理不誣彼潏潏者如斯夫文江不與龍門俱
其上或有銀潢瀦鍾靈毓秀信有諸中書令祖風骨殊
鰲頭望重冠蓬壺散作霖雨蘇焦枯鯨飛天上遊帝都
瞬息歲月同朝晡鱗宗介族多簪裾中書亦是瀛洲居

烟如驪龍生掌珠如麟有角鳳有雛共為周瑞環郊郭
予生少作龍門徒臨風感事重鬱紆此祖此孫情所於
翩然對此興欲徂豈謂城闕非江湖碧海思掣青珊瑚
揮毫對客非故吾魚乎魚乎嗟此圖

題鴈送鄧宗周憲副

黃蘆藪藪鳴秋雨北鴈南征度江渚羣分旅逐各有情
側睨回看似相語啄者自啄飛者飛忽然長叫入斜暉
片時殘夢斷還續千里關山歸未歸誰令歲序多反覆

轉使道途成骨肉水有菰蓴原有粟猶勝鷦鷯一枝足
我家舊在湘江東十年祇住京塵中送君無限思鄉意
昨夜南樓聞朔風

送徐復齋還宜興

徐翁來自江東南烏紗白髮風氈氈登堂拜兄報弟禮
滿坐和氣回春酣兄酬弟勸雜鄉話吾輩之樂樂且湛
吾宗老稚數百指或有困積無儲甌杜陵破屋隨長鑱
萬間廣廈猶空談范家義田久不置比郡尚覺仁風覃

少年慕古老亦諳況有祿俸餘溫甘兄才廟堂足經濟
弟力自與田園堪分田命僕課耕獲笑指庾廩高巉巖
留餐豈止樹間飯斛贈不待囊中探坐令骨肉異塗路
饑者有食寒者襁遺澤猶應溉枯涸清風斷可驅頑貪
弟為遺叟居江潭兄為元老我冠簪始知吏隱各有樂
俯仰不愧三才參翁年未衰筋力健水可方牒陸可驂
明當報成向兄賀大笑共吸鯨杯三

懷麓堂集卷九

欽定四庫全書

懷麓堂集卷十

明 李東陽 撰

詩稿十

五言律詩

傅曰川席上賞菊得朝字

野色自蕭條幽齋共寂寥
崩欄將石護細竹引泉澆
地僻應稀到情多屢見招
留連更何日爛漫是今朝

哭張行人暉吉

十載同年淚因君更滿襟辭家萬里遠憂國二毛侵
病減郎官俸貧揮使者金平生冰雪操絃絕為知音

題許廷冕職方畫

路轉循岡背橋回傍水根幽人不到處茅屋自成村
浦樹經秋落山鐘向晚昏偶然一攜手相與倒芳樽

聞捷

戎馬三秦外風霾百越間捷書連日至恩賞一時頒
虎

將行班旅龍姿坐解顏相逢罷驚喜辛苦說關山

桂軒

小樹入西園虛庭風露繁細香縈駐屐清影傍開門永
夜幽人夢清秋素女魂此時俱寂寞醉醒各無言

哭舍弟東川五首

樹好連枝折身危半臂存乾坤幾時夢骨肉一生恩寂
寞空殘話蒼茫有斷魂哀鳴時自觸痛極本無言

其二

慈母嗟何及三人瘦汝強提携成老大辛苦竟摧傷世
事翻今昔悲歌遞短長向來門戶託回首意淒涼

其三

坐客嗟王濟諸兄愛孔融科名須爾輩孝友是吾宗弄
筆時揮灑論經或異同羽毛看漸舉挫折向天風

其四

江湖為客地舟楫傍親行羈旅看顏色倉皇數驛程南
鳥懷夜匝北雁望秋鳴却望天涯草萋萋春自生

其五

東卷朝仍出移燈暮始歸
病餘心力在路隔死生違
南國諸生去西鄰舊主非
向來車馬地一過一沾衣

哭舍弟東山十首

四海惟兄第三生忽夢魂
乾坤身獨在肝腑義俱存
割絕翻成恨歡娛不是恩
此情終類激天意故難論

其二

乳哺生前恨形骸死後身

先孺人棄世時東陽十歲山四歲川僅兩歲耳 弟兄

吾最長骨肉爾俱淪愉色難供養浮名不慰人後生雖
可念漁獵恐傷神

其三

慟哭三郎逝淒涼二載過我心方抱棘汝淚復懸河齒

為脣餘冷哀從樂處多

山婚時追念川弟哭不絕者數日間者嗟歎

猶憐夢

中句聲斷不成歌

山未死數月晨起告子曰山夜夢送別川弟作詩一絕予默然不應時山

已病意知其不祥也其詩曰岐路悠悠歲月賒風霜蕭瑟最堪嗟送君此去須珍重何日何年得到家後予亦

不復省憶族兄經能記之如此云

其四

婉婉承顏日居然意不違
眼昏常劇淚身病不勝衣
藥裹經春斷書聲入夜稀
舊時趨走地寂寞少光輝

其五

古人稱一樂此意極憐渠
喜色偏依面微言或起予
肝腸中斷絕日月幾居諸
羨殺原頭鳥相隨鳥不如

其六

爾生雖弱弟遇我若嚴師
不盡平生話終慚死後知
在

囊時穎發於道亦潛窺愁絕西堂夢思君不為詩

其七

義重潘夫子三年授一經在生心感激垂死語丁寧

山病

甚恒自誦曰吾負吾師比死猶云云不絕

孝義聞遺軌文章見發硎王生亦

嗚咽哀誄忍能聽

山死時時用使其同學生王佩致奠王哭甚慟且哭且誄坐客無不慟者

其八

娶婦雖成寡傳宗幸有兒向來三月僅

山死時其子亞孫始生三月

已是百年期婉孌仍多病存亡恐未知我心逾第五倉

卒敢論私

其九

骨肉仍多病三年血涕流

甲午正月川亡乙未十月岳氏妻亡丙申五月山亡

我

身猶劇病親老更禁愁薤葉偏多露荊花亦自秋牛眠恐未穩匆迫重為謀

其十

命也嗟誰及悲哉祇自傷萬端皆觸目一日幾回腸晚歲歸搖落幽魂墮渺茫詩成意不極身在恨難忘

中秋三憶

旅宿長安夜歸期已隔年
齋燈獨自照禁月向誰圓
冰藥郎官操風霜使者權
此時清不寐將佩想朝天

右天錫

迢遞東樓月清光似去年
子應長閨寂吾亦念虧圓
性癖從書卷愁多付酒權
隔城鐘鼓盡空望沈寥天

右士常

美酒登樓夜芳秋折桂年
馨香花自發藻鏡月虛圓
出

處賢人義陰晴造化權世間無李白誰與問青天

右時用

次汝學地官韻送民表還治望江二首

縲紲孤身在風塵兩鬢餘福寧非塞馬殃已分池魚載
覩虞門闢終沾漢網踈悲歡意不極臨別但踟躕

又

十年盃酒後早已壯夫為肝膽竟何託萍蓬非我期旅
燈愁絕夜江雨夢醒時脉脉雲霄上含情欲語誰

雨赴文明席偶成

雨帶青蓑濕風將折角低幽期吾不負舊路此俱迷書
到勞僮僕泥深仗馬蹄茅簷日未短猶及午時雞

齋居和亨父用杜韻二首

禁直居仍限篇章意屢沾蟲魚開素帙燈月亂疎簾舊
事逢人說新交與歲添揚郎猶抱寂吾亦愛吾潛

又

靜坐擁寒氊思君欲廢眠書筒忽東遣詩檄已西傳茗

盤流春雪琴聲響夜泉舊堂替盡地夢醒不知年

次韻寄沈亞叅時暘并柬戴憲副廷珍二首

聞道南臺鳳西飛共一林
舊遊經歲改別恨入江深
迢遞秦關路驅馳魏闕心
兩鄉書到日燈火共開襟

又

二月無花柳春寒尚滿林
倦看書屢廢愁酌酒須深
廊廟賢臣業關河壯士心
故人在遠誰與豁吾襟

送茹知縣玉之新寧

乾坤三峽水今古一奇觀老覺襟懷壯貧嗟道路難
棧雲朝擁馬巖樹晚棲鸞萬里峨眉月青天盡處看

題倪雲林畫次倪韻

江雲亂人目江水綠人衣苔雨疑將濕林風聽漸稀
吳儂歌竹送越客采菱歸不見滄洲老垂楊拂舊磯

送陳同年直夫還南京御史

北闕新恩命南臺舊法星九違燕草碧三見蔣山青
臥病聞安石還家憶管寧平生激揚志未合老沉冥

其二

君來方苦旱君去復窮陰
畎畝蒼生計關山獨客心
夜燈愁易盡秋鬢老能侵
總道為官好馳驅恐未禁

其三

病來緘口坐今日為君開
事忌於名近身寧與世猜
鳳麟終瑞物鷹隼亦雄才
畢竟將安作憑君次第裁

偶過匏菴見東軒成留壁上

吏靜真成隱居然市作郊
罅牆深歆屋危樹巧安巢
竹

老穿籬過棋清隔院敲一枝如可借吾亦繫吾匏

次韻寄答若虛提學

江水四千里憶君情許長看花自開落閱世幾炎涼病
覺衣裳懶官嫌筆硯忙詩壇鏖戰力再接再恐難當

春雪

兩旬三見雪雪意晚何濃照夜不知曉入春翻似冬擁
寒愁破被試淺得孤筇却作東郊雨猶堪慰老農

種竹

刺買城中地多應為此君涼生別院雨綠滿後溪雲秋
至不改色夢醒時一聞屢居或未免聊爾洗塵氛

中元謁陵遇雨二十首

月暗城鴉曉風涼苑樹秋陌塵紅不動山雨翠初浮桑
柘村村路鳬鷺處處洲時方重王事吾亦愛山遊

又

勝國遺蹤遠荒城舊築存堞雲隨鳥盡壕雨帶沙渾塞
馬空南牧霄車竟北奔中原今一統佳氣繞乾坤

又

別苑連城去膏腴百萬疇
刺栽宛苜蓿空老漢驂騑地
惜桑麻少天教雨露優兵資
與農事廊廟重為謀

又

此地經年赤川原燠欲燒
夏畦初過雨秋麥僅宜蕎
歲歉租仍在民貧業半凋
紛紛漢使者誰與駐征輶

又

水淺車堪涉橋危馬畏過
斷碑空歲月欹石半坡陁
旱

溢如相代陰陽恐未和
舊時漂沒地河瓠有遺歌

又

關塞連天險河山
毓地靈勢分蛇鳥陣
威踞虎龍形六月車
仍出三城築未停
北門多鎖鑰邊徼坐來庭

又

諫議新祠在詞林
舊館開清風隨客至
飛雨隔峰來弔古懷
唐策登高羨楚才
同遊不共宿吟望轉悠哉

又

山雲元易雨半日幾陰晴乍遠忽疑近自昏還徹明漏
移茅宇濕涼覺布衾輕預想登山路崎嶇未可行

又

莫道山城遠出城方入山過岡泥滑滑歷澗水潺潺旅
客起常早僕夫行苦艱神宮在天上高處若為攀

又

紫蓋鬱葱葱園陵御氣中鼎湖龍作雨金粟鳥呼風四
聖神遊迥三時祀典同小臣生也晚無地泣遺弓

又

候謁長陵夜位宮闕不開雨鳴松浙澀山擁殿崔嵬藉
草衣全浣臨厓意欲頽靈旂恐沾濕瞻送屢徘徊

又

野步憑虛迥岡行出險遲水深曾渡處雲暗欲歸時吏
僕真憐汝行藏合問誰我生疎散甚聊此共驅馳

又

雨燈明更滅人語夜沉沉欲往愁無路山高溪水深命

微纔一綫戒重豈千金實下思親淚兼懷望關心

又

四顧惟一水此身能幾何野行多積潦川涉更驚波直
恐山根斷真疑地軸傾小臣奔走職筋力任消磨

又

遇澤恐陷左作車誰指南馬從淵處躍途向險中探前
定諒非偶先幾徒自慚舊堂如夢裏何意共清談

又

水急人爭渡舟輕不受裝車徒南北限篙楫往來忙尺
地悲魚葬高雲羨鳥翔獨慚樗朽質難作濟川梁

又

兀兀中流坐茫茫何處津岸無牽纜力波有縋舟人自
保中孚信終為既濟身迴洲若相迓此事不無神

又

老馬無鞍策蕭然一吏隨倉皇投逆旅惆悵立多時稍
喜朋遊集都忘道路疲前村燈火夜再宿本無期

又

小雨斷還續
羈人睡復醒
野風秋瑟瑟
川霧曉冥冥
驛路初迴馬
民家半啓扃
遙憐後渡者
猶隔兩三汀

又

久雨人皆病
新晴鳥欲飛
老親驚出戶
稚子走牽衣
痛定方知痛
歸時始是歸
向來夷險地
一笑已忘機

東掖對月三首

碧空懸素月
了不挂秋毫
萬古不改色
衆星皆讓高
觀

看鵲鵲影池數鳳凰毛玉宇寒應近能辭望眼勞

其二

月滿千門夜寒生十月交素光隨劍佩空影徹鳴鞘宮
漏曉初滴霜鐘晴更敲侍臣瞻望地無語立螭坳

其三

長安今夜月還與舊宵同星影淡猶在水光寒欲空都
非弦共朔那更雪兼風願比光明燭高懸萬象中

畫鷹

岸幘空堂晚飛霜正練秋野風吹蒼莽山葉助蕭颼萬
羽愁相肉千人莫浪求獵心吾未老誰與臂雙鞬

重陽甲子雨不赴匏菴自賦一首

重陽偏遇雨甲子况逢秋老樹花空落平池水逆流路
危妨躡屐風急怕登樓獨負東園約黃花笑黑頭

聞方石先生有南京祭酒之命喜而有作

祭酒中朝重先生絕代賢聖恩終簡在歸興本飄然樂
極真名教交深豈歲年吾方慰公望不敢惜離筵

齋夕寄體齋圭峰二學士

獨宿清齋夜思秋望雨心可人無一至酷暑太相侵漫
擬堂為玉真愁地鏤金病妨奔駿力偃仰負冠簪

中元謁陵答體齋學士贈行韻二首

歲逼中元夜雲輕欲雨天使輶頻復駕別袂近猶牽淺
水雙鶉濕涼陰一蓋圓兩宮三攝篆愧負已經年

又

鞭轡停驅馬冠裳候入陵野行迴夜虎林臥起秋蠅漢

殿班頭月唐祠夢裏燈仙寮有佳貺持報恐無能

途次答圭峰學士用前韻二首

百里山原路陰晴各一天星裝聊共載雨纜不須牽野
澗叢霏薄池清樹影圓肩輿渡河穩因憶泛舟年

又

一水斜通縣羣峰碧繞陵露袍沾宿草風塵散山蠅徑
險蘿侵磴途長月代燈贈言君為再欲報轉無能

送羅時泰憲副備瀘叙

劍閣攬天起巴江
劃地流駐兵增六鎮
分臬比諸侯社稷
須長計乾坤有壯遊
安攘非兩事慎勿倚
戈矛

見蝗

癸丑閏五月七日

西日照城東飛蝗忽
蔽空聲如挾風雨勢
若走兒童老眼何曾
見殘年未擬豐憂勤
正雲漢玄默可能通

送董圭峰之南京禮部侍郎二首

南國今豐邑東曹古秩宗
學方推董賈賢總讓夔龍陵
廟瞻新禮山川憶舊蹤
江樓興不淺何日許追從

又

長安一傾蓋二十五回秋
玉佩隨仙步青衫識舊遊
通家兒女熱愛客酒樽留
却恨長江水偏能送客舟

東鄰

多雨動經月一涼先報秋
愛花思種菊望遠却登樓
病喜中年退官因薄養留
東鄰有知己詩罷可能酬

和韻答友人

百年為客興強半酒盃中
旅夜親燈影江春憶釣蓬
才

憐皇甫湜狂愛斛斯融寂寞誰相問祇應吾意同

歲暮有訪

移居西郭近歲暮得相過一室矮如此寸心寬幾何
野愁仍草莽江夢是風波久客須珍重春來強醉歌

送何孟春歸省其大父僉憲公且應湖南試

山水湖南秀英靈信有之後來誰先子今去有餘師
漢室占星聚虞廷指鳳儀聰明愚可守此語未堪疑

送攸縣陳醫官

雨過波江綠春深楚客歸
岼花隨路發沙鳥背船飛
門對孤峰秀庭餘寸草暉
杏林多舊樹應長去年圍

五言排律

送楊尚寶克靖江府冊封副使

先朝台鼎地東里子孫賢
秘閣三千卷符臺二十年
驕骨老大鸞鳳意蹁躑白
戰危孤壘雄談漏百川才
名非忝竊供奉不虛員掖
轉臯門右班分黼座前銅
章嚴夜衛玉璽聽晨宣魚
袋諸衙集螭文舊印專東
西頻節

傳前後擁貂蟬帝錫雲仍貴星分楚鄭躔旌幢隨導引
環珮肅周旋聖代儀文備藩王禮數虔詔開雲霧宇燈
簇綺羅筵榮幸真無比遭逢衆所憐此時沾慰遣茲事
豈述遭樹暗梧溪雨帆輕桂水天花飛春漠漠石亂水
濺濺細路峰巒際高城鼓角邊縣官齊下馬津吏自開
船公事程期近家園道路便壯遊真汗漫歸興得攀援
梓里青山在松林白露懸衣存遊子線祭有大夫田綠
奠藤原醕黃焚草誥牋恩光回落景靈爽動哀泉此願

人皆有如公寔不憊幾家通舊闕群從接登仙目斷江湖迥心違几杖偏風流懷阮籍江漢望張騫我亦同朝士臨歌意渺然

送彭教諭貴三之儀真二十韻

貴三教五之
兄嘗為吳學

本是藍田玉由來渥水駒精靈隨地發材力應時殫
月心能壯梯雲路轉迂南州聞鸚薦泮水得鴻儒紫綬
誰沾命青袍不負吾曉盤堆苜蓿秋院鎖藤蕪几杖長
專席冠裳必共趨始知名教樂自與利聲殊道義皆繩

尺文章亦範模世人多汨沒此意實泥塗大雅思賢者
高情見友于埵麓春燕集風雨夜牀俱旅步仍回泊離
腸重鬱紆謝堂驚夢寐姜被惜歡娛足馬重過薊輕帆
舊入吳鬢毛頻歲月萍跡更江湖揚子風濤濶金山島
嶼孤素心隨利涉赤縣乃名區散吏身猶縛登仙望不
無賦詩慚急就匆促問征途

送傅曰會還新喻二十韻

旅館愁相送秋空一雁高弟兄君輩少江漢我心勞憶

昨趨京輔逢人說俊髦臥龍猶在匣陰鶴未離臯章句
還周雅風流亦楚騷戰酣看屢捷技瘡不容搔好客延
青眼留詩駐彩毫遷鶯方伐木呦鹿更鳴蒿露熟南州
釀霜甘北渚螯飲醪心獨醉投轄意頻叨暮雨層城榻
寒江八月艘舊鄉懷骨肉遊子慎風濤桂閩懸丹樹片
宮映白袍鷺行春東卷熊餌在分膏歲月供鉛槧交情
識佩刀文章吾所畏衡鑑爾能逃禮樂逢今代功名在
此曹上書須賈誼獻頌得王褒塵土辭羈馭雲霄待羽

毛振衣千仞表應不負人豪

胡忠安公輓詩四十韻

文廟臨朝日英皇復辟年我公台鼎貴臣職始終全
錫恩榮榜仍居侍從員皂囊繁出入彤陛儼周旋擾擾
羣疑會皇皇四牡篇路應窮地軸歲屢變星躔公受密命巡行

四方前後曉謁班留筭宵歸炬擁蓮至今天上語不遣
十有七年

外人傳少海驚波定金滕密疏虔論功同李泌辱命豈
張騫南國非旁郡東僚亦左遷獻陵貽睿想宣室問遺

賢典禮煩咨岳為舟憶濟川廟廊資治理帷幄贊兵權
討逆東平漢從征北過燕從容陳俎豆談笑却戈鋌仗
鉞風塵際留司雨露邊兩曹兼掌握三少累登延紫誥
蛟龍織珍羞玳瑁筵篆分銀印細花簇錦袍鮮啓戟城
西第桑麻海上田雲霄三接近優遇一時專綠野家山
在丹心聖主憐挂冠雙鳳闕歸權五湖舡老子元知足
陶朱不愛錢弟兄頭總白賓客戶常聞面受婁公唾身
無董氏弦恩魚隨網散駟犬上堦眠

公有犬當庭臥
公出入必避之碑

板尋常見鑿方次第詮瓊留京口釀餅引惠山泉壽愷

堂何愧忠安謚有焉相台秋正折卿月夜虛圓異骨殊

凡品前身本解禪

公自言天池和尚後身

浮生過九十空界出三

千海內文章伯人間富貴仙姓名兒女說簪笏子孫聯

桃李當時盛葭萼後代連高山嗟仰止先輩已茫然日

月居諸裏江湖涕淚前賦詩裨國史詎有筆如椽

無錫華大母鄒氏年二十有一子纔二歲夫病

篤以子屬母顧而不及鄒鄒意其不信乃託子

於姑自經死以示無貳志夫死子壯姑乃卒趙
刑部汝吉請紀其事乃作是詩

婉婉從夫日辛勤抱子年晨昏親藥餌少壯損朱鈿姑
老兒堪託生微命可捐謀遑卹我後死決在君前目剔
情非壯心剗見豈偏寧為大激烈不作更遷延巢穴空
黃口容華易白顛人皆稱節義天不負精虔俎簋餘三
世松楸閼九泉報劉恩罔極存趙祀終全有美江南俗
他時海內傳鄉評聞最德國典憶旌賢名教關吾道肝

腸重汝憐澆漓不可問古意益茫然

題傅曰川修撰日會中書兄弟趨朝圖

鳳穴連翩起螭坳次第登羽毛皆俊拔意氣各騫騰
燕賜瓊林屢班躋玉陛仍旒瞻依黼座闕步繞觚稜
陌引聯鏹騎簾疎隔院燈萼樓紅影近桂殿碧陰層
簡出遺書校麻翻御草騰袍分五色錦銜帶兩條冰
大冶聲頻躍連城價倍增謝堂題省筆羞被擁宮綾
舊德栽培久前賢藻鑑曾食牛驚坐客渡蟻識胡僧
勝地多奇產高

門合載興隨駟還並出元凱竟同升海嶽靈爭獻風雲
運可乘聲名馳赫奕文彩映彪彌道義真模範詞章亦
準繩子由元學軾王縉不慚丞頌美詩人義圖形畫史
能冠裳俱偉碩丰度儼端凝孝本先膚髮忠宜念股肱
葵傾心足擬茅拔象須徵聖主方求彥良賢慶得朋商
家如夢說物色總堪憑

龍潭春雨徐春官墓山雜詠

龍作春潭雨潭深雨自靈細迷江草綠遙帶海雲腥稍

集波驚沸終為水共渟野陰連澗壑芳憶濕蘭苔潤豈
遺枯涸來應墮杳冥戰旌愁屢濕鳴鬣振初停鶴羽飛
疑墮鮫人室罷扇蓬開看浩渺纓濯想清冷暝憶當窓
見宵宜到枕聽漏天難比蜀濁浪肯同涇旅泊家應斷
山居夢轉醒未勝岑絕地幽涕晚俱零

謝于喬庶子二親壽詩

綽楔今王制衣冠古謝家坊題狀元字庭老合歡花日
紀三蓂隔星移兩歲差孟嘗珠作履潘岳版為車得酒

丹逾渥開奩雪未華桑榆收豈晚龜鶴算初遐綠橘懷
香遠黃魚入饌嘉縣分仙掌露書趣月宮槎秀色橋還
梓繁陰礎更瓜見孫憐我抱有子聽人誇道阻遙思越
辭荒強和巴晨瞻海東郭佳氣蔚成霞

壽瓊山丘先生


周嶽生申日商巖夢說辰共瞻調鼎任純用讀書人位
迴登三事年高過七旬辭章極懇懇天語慰諄諄風雨
停參謁山林謝隱淪甌金名早定帶玉寵方新月彩占

卿象台階切帝宸汗青嚴衮鉞制草出絲綸芸閣編克
棟鴛班禮絕鄰著龜言必驗藻鑑識還真韋孟分傳業
王褒頌得臣飽經誇腹笥憂國見眉顰義補西山闕途
知泗水津正綱歸史法餘藝入詩神彼杜徒稱斷為曹
但飲醇武休論絳灌儒肯墮揚荀斗柄初迴子段灰擬
報春雲棲高鸞驚雪骨瘦松筠具爾鈞衡地巍然柱石
身壽筵如許預歌詠敢辭頻

雪和楊考功韻

白戰驚逢雪詩壇三戒嚴正眠還對枕漸起欲窺簷研
水先愁凍風襟不受黏履痕隨獨步巾角帶雙霑舞趁
冲虛鶴奔迷失路蟾地生方圃壁盤照水精鹽東郭行
應慣袁安臥恐淹醉憐松有釀貧憶歲無縑白石終含
垢清冰未比廉暮棲紛戢羽春植暗勾尖野蟄深防啓
遊鱗且自潛月昏無影樹天入夜明簾成壘膚先拆雕
房火競炎我生閒不厭瘦骨病應添有客負奇氣高歌
掀兩髯不矜豪興逸頗愛野夫恬晝擁青綾被宵傳玉

漏籤舊堂賓主共逆旅歲時兼節憶中郎苦茶分學士
甜田家欣共報稚子戲能拈霰集曾聞詠陰凝屢玩占
郢才工已甚遲拙幸無嫌



懷麓堂集卷十